



SAMOA I SISIFO

Paatulagaina o Aiaiga

Igoa

- | | | |
|---|--|--|
| <ol style="list-style-type: none"> 1. Igoa puupuu 2. Totogi o Lafoga a Tagata e ona Galuega | | <ol style="list-style-type: none"> 3. Totogi faaopoopo ona o le tuai ona totogi |
|---|--|--|

1995, Nu.9

O SE TULAFONO TAU FAAOFI e teuteu ai le Tulafono o
Tau mo Faalavelave Faafuasei 1989.

[30 Iuni 1995]

UA FAIA e le Fono Aoao Faitulafono o Samoa i Sisifo
i totonu o le Palemene ua potopoto e faapea:-

1. **Igoa puupuu**- E mafai ona taua lenei Tulafono o
le Tulafono o Teuteuga o le Tulafono o Tau mo
Faalavelave Faafuasei 1995 ma e tatau ona faitauina
faatasi ma avea ai o se vaega o le Tulafono o Tau mo
Faalavelave Faafuasei 1989 (e pei ona faasinomia
mulimuli ane iinei o le Tulafono autu).

2. **Totogi o Lafoga a Tagata e ona Galuega**- O le
Tulafono autu ua teuteuina nei i le soloia o le
fuaiupu 52 ma suia e faapea:-

"52. **Totogi o lafoga a Tagata e ona Galuega**-(1)
O tagata uma e ona galuega e tatau i le faia o lana
saofaga i totonu o le faaputugatupe a le Komiti
Faatino ona totogiina se lafoga e tasi (1) le sene

mo tala atoatoa taitasi ua totogiina atu e ia i ana tagata faigaluega.

(2) O le faiga ma le taimi e totogi atu ai sea lafoga e ono mafai ona fuafuaina i luga o ni tulafono faatonutonu ma vagana ai ma seia oo i le taimi e faia ai ia tulafono faatonutonu e tatau ona totogiina atu ia tupe i taimi ma i ni faiga e pei ona o le a fuafuaina e le Komiti Faatino mai i lea taimi i lea taimi.

(3) E mafai e le Komiti Faatino mai i lea taimi i lea taimi ona faia se faasilasilaga i totonu o le Kaseti a Samoa i sisifo po o le Savali e faamatalaina ai mataupu uma po o so o se mataupu ua fuafuaina e ia e tusa ai ma le faafuaiupu (2) o lenei fuaiupu.

(4) A fai o se faasilasilaga ua tuuina atu ma lolomiina i totonu o le Kaseti a Samoa i Sisifo po o le Savali e tusa ai ma le faafuaiupu (3) o lenei fuaiupu o so o se tagata o ia lea ua le tausisia o le usitaia o manaoga o le Komiti Faatino e pei ona faatulaga atu i totonu o sea faasilasilaga ua faia se solitulafono ma ua noatia i luga o se moliaga ina ua faamaonia i se faasalaga e le sili atu i le lua afe tala (\$2,000.00).

(5) I so o se tulaga ma pe ua tuuina atu se faasilasilaga po o le leai foi e tusa ai ma le faafuaiupu (3) o lenei fuaiupu e mafai e le Komiti Faatino i luga o se faasilasilaga tusia tuusao i so o se tagata e logoina ai lena tagata e tusa ai ma ona manaoga i lalo o le faafuaiupu (1) o lenei fuaiupu ma logoina lena tagata i le aso po o i luma mai o so o se aso ua faamatalaina i totonu o le faasilasilaga (o se aso e le itiiti mai nai lo le luasefulutasi (21) aso ina ua tuanai le mauaina o le faasilasilaga e lena tagata) e faamalieina ai ia manaoga.

(6) So o se tagata o ia lea ua le tausisia le usitaia i se faasilasilaga ua tuuina atu i lalo o le faafuaiupu (5) o lenei fuaiupu ua faia se solitulafono ma ua noatia i luga o se moliaga i se faasalaga e le sili atu i le lua afe tala (\$2,000.00).

3. Totogi faaopoopo ona o le tuai ona totogi- O le Tulafono autu ua teuteuina i le faaofiina i ai o le fuaiupu fou ina ua tuanai le fuaiupu 52 i le Vaega VI e faapea:-

"52A. Totogi faaopoopo ona o le tuai ona totogi- (1) A fai o so o se lafoga ua noatia ai le tagata e ona le galuega ina ia totogiina e tusa ai ma aiaiga o le faafuaiupu (1) o le fuaiupu 52 o lenei Tulafono ua le totogiina i totonu o le sefulufa (14) aso mai le aso ma, ina ua tuanai le aso e tatau ona totogiina ai ia lafoga, o le tagata e ona le galuega o le a tatau ona noatia e totogiina se tupe faaopoopo i luga o so o se lafoga e lei totogiina atu e ia i le Komiti Faatino i le fua faatatau e tasi-vae-luasefulu pasene (1/20%) i aso taitasi po o vaega o se aso ina ua tuanai le faamutaina o aso e fitu (7) mai le aso, ma, ina ua tuanai le aso e pei ona faasinomia i ai le totogi o le lafoga sa tatau ona totogiina:

Ae vagana ai e faapea -

- (a) A fai o le aofai o totogi faaopoopo e pei ona faatatauina e itiiti ifo nai lo le tasi le tala (\$1.00) o le totogi faaopoopo e tatau ona totogiina e tasi le tala (\$1.00);
- (b) A fai o le aofai o totogi faaopoopo e sili atu i lo le tasi le tala (\$1.00) o le tupe faaopoopo e totogiina o le a tatau ona faatatauina i le i si fuainumerra vaega aupito sili ona maualuga o le tala e tasi (\$1.00); ma
- (c) E mafai e le Komiti Faatino i so o se itu ua ia manatu ua talafeagai ai ona totogiina atoa po o se vaega o le totogi o so o se totogi faaopoopo ua tatau ona totogiina e tusa ai ma aiaiga o lenei fuaiupu.

(2) So o se vaega tupe ua tatau ona totogiina i le Komiti Faatino e tusa ai ma totogi faaopoopo i lalo o aiaiga o lenei fuaiupu o le a tatau ona totogiina i le Komiti Faatino i totonu o le sefulufa (14) aso i luga o se poloaiga ua sainia e le pule po o se i si ofisa faatagaina a le Komiti

Faatino ua tuuina atu i le tagata e ona le galuega
mo ia totogi faaopoopo ina ia totogiina mai."